

母散皆令人見鬼，卽鬼畏之矣。抱朴子曰：有老君黃庭中胎四十九真秘符，入山林以甲寅日丹書白素，夜置案中，向北斗祭之，以酒脯各少，自說姓名，再拜受取，內衣領中，辟山川百鬼，萬精虎狼虫毒也。何必道士亂世避難，入山林亦宜知此法也。○符圖略

抱朴子曰：上五符皆老君入山符也，以丹書桃板上，大書其文字，令灑滿板上，以著門戶上及四方四隅及所道側要處，去所住處五十步內，辟山精鬼魅，戶內梁柱皆可施安，凡人居山林及暫入山，皆可用，卽衆物不敢害也。三符以相連著一板上，意謂爾非葛氏。

〔老學庵筆記九〕政和後道士有賜玉方符者，其次則金方符，長七寸，濶四寸，面爲符，背鑄御書曰：賜某人奉以行教，有違天律罪，不汝貸，結於當心，每齋醮則服之，會稽天寧萬壽觀有老道士盧浩真者，嘗被金符之賜，予少時親見之。

〔琅邪代醉編十〕詛楚文

秦詛楚文，跋尾曰：右秦巫咸碑在鳳翔府學，又一本告亞駝神者，在今洛陽劉忱家，書辭皆同，惟偏傍數處小異。

〔下學集上〕

急急如律令神符上，所書之文也，言一切之惡鬼魔事，行邪道者，教誡之曰：急急如律令，可言一切惡事不留蹤迹，可如律令鬼疾去。

〔谷響集一〕急急如律令

客問：急急如律令語，答：是巫者之呪語也。演密二云：且如此方言音，亦有顯言，亦有呪語，如急急如律令等語，呪火不燒，呪瘡令停，蓋作呪用，不同顯言。又事文類聚云：符祝之類，末句急急如律令者，人以爲如飲酒之律令，速去不得滯也。一說漢朝每行下之書，皆云如律令，言當亦如律令，故符祝有如律令之言，律令是雷邊捷鬼，此鬼善走，與雷相疾速，故云如此鬼之疾走也。資暇

〔吾妻鏡二十八〕寬喜三年五月四日，去月之比，或僧稱祇園示現注夢記，披露洛中，仍自殿下被送進于